

صاحبی ، مدیری ، محرری :



آبونه بدلی :

سنه لکي ۱۰۰ غروش
آلتي آياي ۵۰ »
اوج آياي ۲۵ »

مخبر

۱۳۳۸

اداره خانه سی :
شهرزاده باشند (تعالی اسلام)

جمعیتی مرکز عمومی

مرکز نوژی :

باب عالی جاده سنده اتحاد

تجارت کتبخانه سی

اسلامك نفعنه خادم مقالات

مع الشكر قبول و درج اولونور

بازانك شخصیتی دكل : یازینك اهییتی
نظر دقته آلیینر

دینی ، علمی ، ادبی ، اجتماعی و شمیدلک شهری

مجموعه اسلامیه در

کلن یازیلردن شایان قبول کورولنلر تاریخ
مراسیمه درج اولونور .

فی ۷. بوجوق غروش

۱۳۳۹ صفرینه مخصوص نسخه

عدد : ۴

مندرجات : انبیاء کرام حضراتنه وحی و انزال اولنان دین اسلامک شرایع و مناهجده اختلافی (اسکابللی : محمد عاطف) — جناب حق ، مؤمنلره نه شرط ایله یاردم ایدر ؟ (قونیلی : ع . عاطف) — صوفیه کرام حضراتنک روح حقنده کی تلقیاتی : مابعد (آقسه کیلی : احمدجدی) — قرآن کریمی ترجمه مسئله سی (محمدعلی عینی) — محفل تاریخی : صفراخیر (طاهرالمولوی) — یوم و اتوای (احمدضیا) — محفل ادبی : ایکی تاریخ وفات (حفیدوحدتی : سعود المولوی — تاریخ وفات (م . صلاح الدین) — ع . عاطف افندینک برنجی نسخه ده مندرج غزلنه نظیره (علی حیدر) — برقطعه (ع . عاطف الفسز بر منظومه (احمد رمزی المولوی) — غزل : خسته لقی یادکاری (طاهر المولوی) — هم حقیک افندی بی ، هم دارالحکیمه بی تبریک — اعلانات

(مناجات حضرت مولانا) عنوانیه مثنوی شرفدن بالاختاب طبع ایدلش اولان علاونک موزعلردن ایسته نیامه سی رجا اولونور اسلام چیغیری : اولیای اطفاله مژده : اسکابللی عاطف افندینک تألیف ایلدیکی بو اثر مینی مینی چوجقلره غایت قولایلله اسلامی اوکره تبر .

و مؤلف موی الیهک [اسلام بولی] ، [اسلام چیغیری] [مرأة الاسلام] نام اثر لریله [علم حال] جه اولان نواقص ا کمال ایدلش دیمکدر . لایقيله اوقونمق شرطيله بو اثرلر چوجقلرک ذهنته روح اسلامی قاضه ایدوب حسیات اسلامیته نک تأسس و مرکزینی انتاج ایدر . بالخاصه اولیای اطفاله توصیه اولونور .

محل فروختی : حکاکارده کتابچی راشد افندینک دکای ایله باب عالی جاده سنده اتحاد تجارت کتبخانه سیدر .

انبیاء کرام حضراتنه وحی و انزال اولنان دین

اسلامک شرایع و مناهجده اختلافی

اوجنجی مقاله ده عریض و عمیق بحث و بیان اولندینی وجهله انبیاء عظام حضراتنه وحی و انزال اولنان دین مبین اسلام ، اصول دین و ارکان اسلامیه ده متحد و متفق ایسه ده [لكل جعلنا منكم شرعة ومنهاجا] یعنی [امم باقیه و حالیه دن هر پیغمبرک امتته مخصوص شریعت و طریقت واضحه وضع و تعیین ایلدک — ای امت محمد سزک شریعتک زده

قرآن کریمک احتوا ایلدیکی احکامدر . آکا ایمان ایدوب مقتضاسیله عمل ایدیکنز — [نظم جلیلی منطوق منیفنجه احوال و مصالح اممک اختلافی حسیله شرایع و مناهجده یعنی بعض احکام شرعیه فرعیده و اصول دینک صور و اشباحنده اختلاف و تفاوت واقع اولمشدر .

از جمله آدم علیه السلامک شریعتنده انسال بشریه نک تکثری حکمتنه مبنی قیز قرداشی نکاح و تزوج مشروع ایکن شرایع سائر ایله بو حکم نسخ و تبدیل اولمشدر . حضرت یعقوب علیه السلامک شریعتنده ایکی قیز

حضرت موسیٰ نك شریعتنده مسجودن بشقه محله نماز جائز دكل ایكن حضرت محمدك شریعتنده ارضك پاك اولان هر محله دخی جوازی مشروع قلمشدر. حضرت موسیٰ نك شریعتنده ارباب یسار اموالک ربغی زکات ویرمك لازمکیرکن حضرت محمد علیه السلامك شریعتنده اموالک ربع عشرینی - قرقدہ برینی - زکات اوله رق فقرايه تمليك فرض قلمشدر .

طاعات و عباداتک اوقات ، آداب ، ارکان ، کمیت و کیفیتنده کی اختلافاتده بوقیلنددر . خلاصه بالعموم انبیا و رسل کرام حضراتنه وحی و انزال اولنان دین جلیل اسلام ، اصول و ارکان دینده توافق و اتحاد ایدوب آنجق مقتضای مصلحت اوله رق بعض فروع دینده تخالف و تباین واقع اولمشدر .

آنک ایچون حضرت علی کرم الله وجهه افسدمن بیورمشدر درکه [الایمان منذیعت آدم علیه السلام شهادة ان لا اله الا الله والاقرار بما جاء من عند الله ولكل قوم شریعة ومنهاج] یعنی حضرت آدم علیه السلام مبعوت اوله لیدنبری ایمان : جناب اللهك وحدانیته شهادتله نزد آلهیدن کان هر شیئی اقرار و قبول ایتمکدن عبارتدر . هر پیغمبرك امتنه مخصوص شریعت و طریقت یعنی احکام فرعیه وضع و تعیین اولمشدر . (خازن) .

بناء علیه شریعت محمدیه انبیاء سالفه نك شرایعتنده بولنان بالعموم مسائل اعتقادیه و اصول شرایع ایله آنلرك شرایعتندن اولدینی قرآن کریم و حدیث شریف ایله بیان اولنان بعض احکام فرعیه بی ده جامعدر .

آنک ایچون [قولوا آمنا بالله وما انزل الینا وما انزل الی ابرهیم و اسمعیل و اسحق و یعقوب و الاسابط وما اوتی موسیٰ و عیسیٰ و ما اوتی النبیون من ربهم لانفرق بین احد منهم و نحن له مسلمون] یعنی ای مؤمنلر دیگزرکه الله تعالیٰ یه ، حضرت محمده انزال اولنان قرآن کریمه و ابرهیم ایله اسمعیل ، اسحق ، یعقوب و اولاد یعقوبدن پیغمبر اولانلره انزال اولنان صحف شریفه ایله موسیٰ

قرداشی نکاحله جمع ایتمك مشروع ایکن موسیٰ علیه السلامك شریعتنده بو حکم حرام قلمشدر .

ابراهیم علیه السلامك شریعتنده ختان جائز ایکن موسیٰ علیه السلامك شریعتنده ترك ختانك جوازی نسخ اوله رق ختان واجب قلمشدر .

شریعت : من طرف الله هر امتك ایفاسیله مكلف قلدینی احکام دینیه در . موسیٰ علیه السلامك بعث اولدینی زماندن عیسیٰ علیه السلامك بعث اولدینی زمانه قدر امت موسیٰ نك شریعتی تورات شریفك محتوی اولدینی احکامدر . عیسیٰ علیه السلامك بعث اولدینی زماندن حضرت محمد علیه السلامك بعثی زمانه قدر امت عیسیٰ نك شریعتی ده آنجق انجیل شریفك احتوا ایلدیکی احکامدر .

اما بعث و رسالتی عمومی ، دین و شریعتی ابدی اولدینی ایچون حضرت محمدك ایلک بعث اولدینی زماندن قیامته ، بودنیانك صوکنه قدر ساحه آرای وجود اولان بالعموم افراد بشریه نك شریعتی ایسه آنجق قرآن کریمك محتوی اولدینی احکام جلیله در .

مبعث محمدیدن اعتباراً حضرت عیسیٰ نك امتی و دهها اولده حضرت موسیٰ نك امتی نهایت بولدقن بشقه قرآن کریمك نزوئيله سائر کتب الهیه ده موجود اولان احکام دینی فرعیه نك بعضی شرایع محمدیه میاننده ابقا ایدلش ایسه ده مقتضای مصلحت اولق اوزره انلرده موجود اولان بعض احکام شرعی فرعیه ده نسخ و تبدیل اولنش و بو صورتله شرایع سالفه نهایت بولمشدر .

از جمله حضرت موسیٰ نك شریعتنده نمازده استقبال (بیت المقدس)ه اولوب حضرت عیسیٰ نك شریعتنده دخی بو حکم ابقا ایدلش ایکن حضرت محمدك شریعتنده (کعبه شریفه) یه تحویل اولنمشدر .

حضرت موسیٰ نك شریعتنده مطلقا زنا ایدن رجم اولنورکن شریعت محمدیه ده محصن اولانی رجم ، اولیانی جلد مشروع قلمشدر .

موسى علیه السلامك شریعتنده مطلقا قاتل قصاص اولنورکن شریعت محمدیه ده قتل عمدده قصاص ، بشقه سنگه دیت مشروع اولمشدر .

سوره (حج) دده « ولينصرن الله » وعد
 جليلي ايله : الله يارديم ايدنلره جناب حق بهمه حال
 يارديم ايدر ، شهه سز اوقادر وغالبدر . دييور . وشو
 ايكنجي آيت كريمه يي متعاقب « الذين انمكنهم »
 يعني : آنلر كه اكر بز كنديلرينه ير يوزنده مكنت
 و قدرت ويرير سكه صلاتي اقامه ؛ زكاتي ادا ،
 ايواكله امر ، قنالقن نه يي ايدرلر . ديهه الله يارديم
 ايدن كيمسهرلك نصل آدمير اوله جفتي بيان ايديبور .
 صلات ، زكات ، معروف ايله امر ، مذكردن نه يي كي
 باشليجه احكامي ذكر ايدهرلك نصرت الهيه مظهر
 اوله جقهرلك فرمان الهيه يي اتباع ايدنلر اولديغني ايضاح
 بيوربور .

ايشته بورايه قدر آكلاشيلور كه جناب حقك وعد
 بيورديني نصرته نائل اولمق ايچون يالكز آدي مسلمان
 اولمق كافي كليور ؛ بالعكس حقيقي مؤمن اولهرق قرآن
 عظيم الشانده بيان بيوريان احكام دينيه يي اتقاد و بونلر
 ايله عمل ايتك لازم كليور .

چونكه تكلفات الهيه دن مقصد ، انسانلر ك استفاده سي
 اولوب ، بونلره امتثال ايدهر مكفاتي اولان فوزظفر
 واجر و ثوابه كسب لياقت ايدرلر ؛ يوقسه مسلمانجه
 حركت ايتمه ينلر ك مسلمانلره موعود اولان نصرت الهيه دن
 حصه ياب اولمق اميدينه دوشمه لر ي بك غرب بر دوشونجه
 اولور .

بونك ايچوندر كه سوره (بقره) نك ابتداسنده
 قرآن كريم ك كيملره هادي ورهر اوله جفتي بيان ايچون :
 او كتاب جليل الشان ، تقوي يواني طوتانلره ، غيهه ايمان
 ايله صلاتي اقامه ، زكاتي ادا ايدنلره يول كوستير .
 بيوربيلور . بوده غايت طبعيدر ؛ چونكه قرآن حكيم ،
 جناب حق طرفدن سعادت حالريني تأمين ايچون انسانلره
 كوندرلش بر قانون ، بر دستور اخلاقدر ، او دستور ،
 او تعليمات ربانيه دن مستفيد اوله بيلمك ايچون آ كا تطبيق
 حركات ايتك لازمدر ؛ زيرا هيچ بر قانون كوروله .

وعيسى يه ويريلن تورات و انجيل شريفه وسائر پيغمبرانه
 من طرف الله اعطا اولنان كتب و صحائف شريفه يه ايمان
 ايتدك . آنلردن هيچ بريخي تفريق و تميز ايتيوب جمله سنه
 ايمان ايدرز . بز الله تعالى نك امر و نهينه منقاد و مطيعن .
 آيت جليله سي مقتضاسنجه بالعموم امت محمدك حضرت
 موسى ، حضرت داود ، حضرت عيسى عليهم السلامه انزال
 اولنان تورات ، زبور ، انجيل شريفلر ايله سائر پيغمبرلره
 انزال اولنان كتابلره و بلا تفريق هر پيغمبره ايمان ايتلري
 فرض قلمشدر . برينه ايمان ايتيان مسلمان اوله ماز .
 شو قدر كه الآن موجود اولان نسخ ثلاثه تورات
 ايله انجيل اربعه دنيلن كتابلر قرآن كريمده مذكور اولان
 اصول دين و اركان اسلاميه يه متخالف و متضاد ، معتقدات
 و مذاهبي جامع اولدقنندن طولا يي پيغمبرلره وحى و انزال اولنان
 تورات و انجيل شريفدن عبارت اوليوب رؤساي يهود
 و نصارا طرفندن كتب منزله بعد التحريف تأليف و ترتيب
 ايدلش شيلر اولديغنه حكم و اعتقاد ايتك فرضدر . بوندن
 بشقه يهود ايله نصارانك شيمديكي دينلري ده قرآن كريمك
 محتوي اولديغي اصول و عقائد اسلاميه يه فروع و احكام
 شرعيه يه بسبتون مغاير و ضد اولديغنه نظر حضرت موسى
 ايله حضرت عيسى نك من طرف الله نازل اولان دين
 و شريعتي اولديغنه بلكه دين حق تحريف ايله رؤسانك
 ترتيب و تصنيع ايتدكلري باطل شيلر اولديغنه حكم و اعتقاد
 ايتك ده فرضدر .

اسكيلي : محمد عاطف



جناب حق ، مؤمنلره نه شرط ايله يارديم ايدر ؟

جناب واجب الوجود ، قرآن كريمده سوره (محمد)
 عليه السلام ده « ان تنصروا الله » قول شريفله
 اي مؤمنلر ، جناب حقه يارديم ايدرسه كز ، الله ده سرك
 يارديمكز اولور ، وسزي ثابت قدم قيلار . بيوربور ،